

ZIRLÂI 5

OCTOBER 23–29, 2021

IN ZÎNGA CHÊNG VÊ RAM DANG MÎTE



CHÂNGVAWN: “Chuvângin, ram dang mîte chu hmangaih vê rawh u; nangni pawh Aigupta ramah khân ram dang mî in nih vê ðhin tho kha” (*Deuteronomi 10:19*, NKJV).

SABBATH CHAWNÛ

October 23

Bible Châng Chhiar Tûr: *Deuteronomi 10:1–19; 27:19; Sâm 146:5–10; Matthaia 7:12; Marka 12:29–31; Jakoba 1:27–2:11.*

KÂR HMASA zirlâiah khân, lekhaziaktu pakhatin “thupêk zawng zawng zînga ropui ber” chungchânga Isua ngaih dân a zawh thû kan hmû a. Khâ a zawnha kha Pathian chu pakhat chauh a nih thû nemngghet chung a chhângin, “LALPA i Pathian chu i thinslung zawng zawngin, i rilrû zawng zawngin, i chakna zawng zawngin i hmangaih tûr a ni’ tih hi thupêk zawng zawng zînga a ropui ber chu a ni” (*Marka 12:30*, NKJV) tih thu a sawi a nih kha.

Amaherawhchu, hetah hian duh tâwk ta mai lovin, lekhaziaktuin a zawh tel ni miah loh, “a dawttu” chungchâng pawh a sawi zui vê nghâl zat a. Hê thupêk pawh hi a pawimawhzia a hriat chian êm avângin, “A dawttu chu hei hi a ni: ‘Nangmah i inhmangaih angin i ðhenawm khawvêngte pawh i hmangaih vê tûr a ni’ tih hi. Hêngte âia thupêk ropui zâwk hi eng mah a awm lo” (*Marka 12:31*, NKJV).

Hêngte âia ropui zâwk hi *thupêk* ropui zâwk hi a awm lo va maw? Isua chuan Pathian kan hmangaihna leh kan thenawm khawvêngte kan hmangaihna hi thil inzawm tlat a nih thû sawiin, hê hmangaihna hi thupêk azawnga a ropui ber a nih thû a sawi a.

Hemi tum pawh hian tûn hmâa Juda-ten an la hriat ngâi loh thu thar a rawn sawi chuang lovin, Pathian chu thil dang zawng âia hmangaih phawt tûrin a sâwm a. Kan thenawm khawvêngte kan hmangaih leh, mi dang hrim hrim kan hmangaih hi Pathian kan hmangaih a ni tih kan tihlanna a ni tih thû hi *Deuteronomi* bû tanga lâk chhuah a ni.

SUNDAY

October 24

In Thilung Hmâwr Vun Tan Rawh U

Deuteronomi 10-ah hian *Deuteronomi 9*-a sawi kha sawi chhonzawm zêlin, Pathianin Israel mîte thû a lo thlunpui tawh kha a rawn nemgheh nawn leh thû kan hmû a. A nihna takah chuan, *Deuteronomi* bû hi thuthlung thar thawh leh a nih thu sawina a ni e pawh a tih theih ang. A awmzia chu, Horeb hmuna an awm lâi, Mosian ni rei lo te chhûng a thang bosan lawk hlâna milim pathian an lo biak hmanhmawh hnû pawh khân LALPA chuan a la thlâuthla chuang rêng rêng lo a ni.

***Deuteronomi 10:1–11* chhiar la. Hetah hian Pathianin a mîte sual a ngâidam a, anmahni leh an thlahtûte hnêna thuthlung a lo tiam tawh ka a rawn nemghet nawn leh a tih kan hriat theihna tûr eng thil nge thleng?**

Hemi hmâ hian Thu Sâwm Pêk inziahna lungphêk pahnih kha, Mosian a lo paih keh vek tawh a nih kha—kha khân Israel fâten thuthlung a bawhchhia a ni tih a entîr a (*Deut. 32:19*). “An thil tihsual chu a haw hlê a ni tih lantîr nân, lungphêk pahnih a ken chu leiah a paih a, mipui zawng zawng hmuhah chuan a keh darh ta vek a. Chu chuan Pathian nêna thû an lo thlun tawh kha an bawhchhiat avângin, Pathian pawhin anmahni thû a lo

thlunpui tawh kha a tichhe ve ta a ni tih a entîr a ni.”—Ellen G. White, *Thlahtubulte leh Zâwlneite*, p. 323.

Chutiang chuan, Mosia hnêna Pathianin lungphêk pahnih, “a hmâa mi ang kha” chher leh a, chutah chuan lungphêk keh tâtea thu chuang ang chiah kha a rawn ziah leh tûr thû a hrilh hian, Israel mîte chu a ngâidam tawh a, a thlahthlam dâwn lo a ni tih a tilang.

***Deuteronomi 10:14–16* chhiar la. Hetah hian Israel mîte hnênah khân Pathianin eng thû nge a sawi? Heta LALPAN tehkhin thû a hman hian eng nge a entîr?**

Hetah hian tehkhin thu pathum kan hmû a, chûngte chu: hmâwr vun, thinlung, ring tihte. A enga pawh chu ni se, a sawi tum chu a Chiang hlê. Serh tan kha thuthlung chhinchhiahna chu ni tho mah se, *pâwn lam* lang theia chhinchhiahna mai a ni a. Pathianin an duh chu an thinlung, chumi awmzia chu an rilrû, an ngainat nih leh an hmangaih nih a ni. ‘Ring tikhawng’ tih hian LALPA thû an zawm duh lohzia leh an luhlulzia kha a entîr a. LALPA chuan rilru phîr an put thîn kha bânzanin, an thilung leh nunna zawng zawng nêna rawngbâwl tawh se a duh a ni.

LALPAN i سوال a lo ngaihdam tawh zawng zawngte kha ngaihtuah lêt leh la. Chu chuan khawngaihna a ngahzia a hrilh che em?

THAWHTANNI

October 25

Mikhualte Pawh Hmangaih Rawh U

Hêng zilhna thu hrang hrangte hi sawi mah se, “Vân te, vân sâng ber te khi LALPA in Pathian tâ a ni a, leilung leh a chhûnga thil awm tin rêng nêna hian” (*Deut. 10:14, NKJV*) tiin a thlamuan tho bawka. LALPÂ ropuizia leh chungnunzia a va puang chhuak Chiang êm! Hê thû hi Bible hmun dangah pawh hetiang hian kan

hmû a: “Leilung leh a chhûnga thil awm zawng zawng hi LALPA tâ a ni a, khawvêl leh a chhûnga chêngte nêl lam hian” (*Sâm 24:1*, NKJV).

***Deuteronomi 10:17–19* chhiar la. Hetah hian engtin nge LALPA chungchâng Mosian a sawi leh? A pawimawh ber zâwk chu, hê Mosia thu sawi avânga Pathianin a mîte hnêna thû a pêk chu eng nge ni?**

Jehova chu lei leh vâna lalber a ni satliah mai lo va, “pathiante Pathian, hotûte Hotu” pawh a ni tel baw (*Deut. 10:17*). “Pathiante Pathian” tih ãawngkam a hman avâng hian Pathian dik tak ni lo pathian dang, pathian tê nau deuh zâwk, entîr nân, an chheh vêla chêng milem be mîten chibai an bûk thin pathian angte kha an awm vê tho tihna a ni lo va. Chutiang ni lovin, Pathian awm chhun a nihna bâka nihna dang a neih telte sawina a ni zâwk a (“Kei, keimah ngei ka nih hi hria ula, keimah lo chu pathian dang an awm lo ve” [*Deut. 32:39*, NKJV]), thiltihtheihna dang zawng zawng—a tak taka awm leh suangtuahnaa awm te, lei leh vâna mi pawh—chûngho chung a lêng chu a ni a tihna a ni.

Ani chu “Pathian ropui tak, chak tak, ãihbâiawm tak, tû mah duhsak bîk nei lo, thamna pawh la ngâi miah lo” a nih thû pawh a sawi baw a. Hêng zawng zawng hian Jehova chu an Pathian a ni a, a mîte chuan a thû an zâwm mai tûr a ni tih hi hriattîr a tum ber a ni.

Hetah hian thil inang lo lutuk mai sawi a nei baw a. Ni e, Jehova chu pathiante Pathian leh hotûte Hotu, eng kim chung a Rorêltu leh thil siamte tungnungtu a ni rêng a (*Kolosa 1:16, 17*), chutih rual chuan, pa nei lote, hmeithâite leh mikhualte ngaihsaktu pawh a ni tho baw a, chûng mîte a ngaihsakzia chu an taksa mamawhte phuhrûksakna hmangin a tilang ãhîn. Leia chawngzawng pakhat tlâ mai mai pawh hre vektu (*Matthaia 10:29*) Pathian chuan khawtlânga ngaihsak leh ngaih pawimawh hlauh vê phâk lote harsatna tawh hi a hria a. ãawngkam danga

sawi chuan, LALPA hian a mîte hnênah, *Aw le, ka hnam thlan, ka mi duhsak bîkte in ni a; chuvâng chuan ka hmangaih êm êm bawk che u a ni. Nimahsela, mi dangte pawh ka hmangaih vê tho va, in zînga mi harsâte leh tanpuitu nei lote hi ka ngaihsak asîn. Hêng mîte hi keiman ka hmangaih ang chiahin nangni pawhin in hmangaih vê ngei tûr a ni. Hei hi thuthlunga nangmahni tih vê tûr awmte zînga pakhat niin, a pawimawh hlê a ni tiin a sawi a ni kan ti thei ang.*

Sâm 146:5–10 chhiar la. Sâm ziaktu'n Deuteronomi bû-a Pathianin a sawi a rawn sawi vê leh chiah chu eng nge ni? Hê a thil sawi hi keini Kristiante tân eng nge a awmzia ni le?

THAWHLEHNI

October 26

Nangni Pawh Aigupta-ah Ram Dang Mi In Nih Kha

“Chuvângin, ram dang mîte chu hmangaih vê rawh u; nangni pawh Aigupta ramah khân ram dang mi in nih vê thîn kha” (Deut. 10:19, NKJV). Hmâsâng Israel mîte hnêna thuchah awm chu eng nge ni? Hê Bible châng aţang hian keini tân pawh eng thuchah nge awm vê tho le?

Hemi hmâ kum za eng emaw zât liam taah khân heti hian Abrama hnênah LALPAN a lo sawi tawh bawk a: “I thlahte chu anmahni ram ni lovah chuan mikhualin an la awm ang a, an awmna ram mîte rawng an la bâwlsak ang tih Chiang takin hre rawh khai; chutichuan, kum zali chhûng an tirethei dâwn a ni” (Genesis 15:13, NKJV; Genesis 17:8; Tirkhohte 13:17 pawh en bawk la). Hei hi a sawi ang tak hian a lo thleng ta ngei a, Exodus bu bung hmasa lamah hian Aigupta aţanga tlan chhuah (Exodus 15:13) leh chhandam (Exodus 14:13) an nih dân chanchin ngaihnawm tak chu târ lan niin, chû chu Krista Isuaa tlanna leh chhandamna pêk kan nih dân entîrtu, a hlimthlâ a ni

ngêl bawk. LALPA chuan tûn hmâa an lo awm tawh ðhinna hmun leh, an lo nih tawh ðhinte kha hre reng tûrin a duh a—ram dangah mikhual an lo ni vê reng tawh ðhîn a nih kha.

Ṭawngkam danga sawi chuan, Pathian hian a mîte chu khawtlânga a hnuai hung lam, hnam tlêm zâwk, sal leh anmahni âia tam leh chak zâwk, anmahni tiduhdah theite leh tiduhdah fo rêng ðhinte zahngaihna hnuai lo awm vê tawh tho ðhîn an ni tih hre reng tûrin a duh a ni kan ti thei ang. Israel-te pawh hi hnam thlan, Pathianin a koh ngei, “puithiam chî” (*Exodus 19:6*) niin, anmahni leh an zînga chêng vê mikhuate, nêh khân inan lohna lâi—a bîk takin, sâkhaw biak chungchângah—eng eng emaw chu nei tho mah se, “mihring dikna chanvo” inzahsak leh inhumhalhsak chungchângah erawh chuan mikhual te, hmeithâi te leh fahrah te pawh anmahni Israel mîte nêh ang khat veka en tlâng a, dik taka rorêlsak ðhin tûr an ni.

***Matthaia 7:12* chhiar la. Eng tiangin nge hê Bible châng hian an zînga chêng vê mi hnuaihning zâwkte pawh hmangaih vê tho tûra LALPAN Israel-te a duhzia hre thiam tûrin min puih le?**

Hê Israel mîte hnêna zilhhâuna thû, an zînga chêng vê mi hnuaihning zâwkte hmangaih tih hi hmâsâng khawvêla an thil chîn ðhan tak chu a ni lo Chiang a. Ram dang mîte leh mi rethei deuhte chu a ðha berah pawh ran ang deuh chauhin an en ðhîn a ni âwm e.

Israel-te erawh chu mi dang lam bîk, an chheh vêla chêng hnam hrang hrangte hnêna êng chhitu tûr an ni a. Chû an danglam bîkna chu chibai an bûk Pathianah leh, chibai an bûk dân bâkah, an hnêna Pathianin sâkhaw thurin dik a pêkahte khân hmuh a ni tûr a ni. Chutianga an zînga hnam dang awm vête pawh an hmangaihna chu khawvêl hnên an Pathian leh, an sâkhaw chungnunzia an tihlan theihna kawng ðha tak a ni dâwn a, chû

chu khawvêl hnêna an Pathian chanchin puang darh tûra an lo awm chhan pawh a ni rêng a ni.

NILÂINI

October 27

Dik Takin Rorêl Thîn Ang Che U

Keini ringtûte hi chu Pathian nungchang lan chhuahtîr tûra koh kan ni a. Heti hian Paula pawhin a lo sawi: “Ka naute u, Krista chu nangmahniah siam puitlina a awm hmâ loh chuan nu-in nau a vei ang maiin ka vei leh tâk che u hi” (*Galatia 4:19*) tiin. A enga pawh chu ni se, a tîrah kha chuan “Pathian anpuia” siam kan ni rêng a (*Genesis 1:27*); mahse, chu Pathian anpui kan nihna chu sualin a tihmêlhem ta hlahu mai a nih kha. Tichuan, Mosian Pathian thiltihtheihzia leh ropuizia a sawi khân Pathian chu thamna la ve ngâi lo a nih thu bâkah, mi chak lote leh mi rethei tê tê-te ngaihsaktu a nih thû pawh a sawi tel a. Pathian pawhin chutianga ti a nih chuan keini pawhin kan tih vê ngei a tûl ang.

A hnuai Bible châng târ lante hi chhiar la. Hêng châng palî-tea kan hmuh vek thupui pakhat awm chu eng nge ni?

Deut. 1:16 _____

Deut. 16:19 _____

Deut. 24:17 _____

Deut. 27:19 _____

Mihring rorêlna in (court) tam berahte hian mi chak lo, mi rethei leh mi hnuaihning deuhte chuan, mi hausâ leh thil ti thei, then leh rual leh chhûngkhat laina hnâi ngah takte chan ang “rorêlna” hi an chang pha vê lo fo thîn a ni tih chu kan hre tlâng vek âwm e. Hetiang hi khawi ramah pawh, eng hunah pawh leh eng hnam zîngah pawh a nih dân a ni hrim hrim a; an ram leh hnam dânah chuan rorêlna dik kenkawh a pawimawhzia leh, mi

zawng zawng ang khat veka en tûr a nihzia pawh chuang eng ang mah se, a takah erawh chutiingin an ti ngâi chuang lo. Mi rethei, mi chak lo leh chhumchhia deuhte hi chuan mi thâte chan ang rorêlna an chang pha vê ngâi meuh lo a ni.

Hei hi amah LALPA ngeiin a sawi chungchânga mak êm êm mai awm chu a ni a. Hnam dangte chuan dik lo takin ro lo rêl thîn pawh ni se, chutiang chu Pathian mî, khawvêl hnêna Amâ âiawhtu tûra a thlan Israel-te zîngah chuan a thleng vê tûr a ni lo. Tûn lâi huna kan tawngkam hman thîn dân mila sawi dawn chuan, hmasâng Israel ramah khân “dân hnuaiia intluk tlânga rorêlna” thleng se tih hi Pathian duh dân a ni kan ti ang.

Pathianin dik taka rorêl thîn tûra a duh chhan dang pakhat a la awm leh a. “In thianghlim tûr a ni; kei, LALPA in Pathian hi ka thianghlim sî a” (*Lev. 19:2*) a ti. Israel mîte khân Pathian dik tak chu tu nge ni tih an hre Chiang a, Amah chu chibai bûk dân tûr dik taka bûkin a hnênah thawhlâwm dik tak an hlân thîn a. Khâng zawng zawngahte kha chuan an ti tha thlâwt a ni. Nimahsela, an zînga chak lote leh reitheite chung a hlei an len reng tho sî chuan eng nge awmzia awm ang? Chuvângin LALPA chuan a zâwlneite hmang khân mi reitheite leh tanpui ngâite rapbetûte chu a lo sawisêl nasa tawh thîn a. Engtin nge mi dangte chung a thil dik lo tak ti chungin in “thianghlim” theih ang? Eng ang pawhin sâkhaw serh leh sângte chu zâwm tha mah ula, mi reitheite in hnuaiichhiah tlat tho sî chuan in thianghlim thei dawn rêng rêng lo va ni.

Amosa 2:6; 4:1; 5:11; Isaia 3:14, 15; 10:1, 2; Jeremia 2:34
chhiar la. Hêng zâwlnei pathumte hian hmâsâng Israel-te chungchânga LALPAN vaulâwkna thû a lo sawi tawh ang tho kha eng nge an rawn sawi vê? Chûng an thu sawite chuan keini tûn lâi huna mîte hnênah hian eng nge a sawi?

Pathian Ngaiha Sâkhaw Biak Dân Thianghlim

***Deuteronomi 24:10–15* chhiar la. Hetah hian kan hnuaia awmte kan en dân kawnga kan zawm ngei ngei tûr eng thûte nge tûr lan ni le?**

Hetah pawh hian mihring kan nihna anga inzah tawn t̄heuh tûra min duh thû bawk kan hmu leh a. Mi tu emawin i thil eng emaw a pûk a, chû a thil pûk chu a rulh leh hun a lo thleng tawh a nih pawhin, amah chu i zah a ni tih i lantîr tho dawn lo'm ni? A inah va kalin i va th̄ng lui tûr a ni lo. Pâwnah i lo awm ang a, ama'n a rawn pêk hun che i lo nghâk tûr a ni.

Deuteronomi 24:12, 13 thû hian a sawi tum nia lang chu, mi reithe i tu emawin “dahkham” atân tiin a kawrfual a pe che a nih pawhin, zâna a inthum lum nân ni tlâk hnû-ah i pe kîr leh ngei tûr a ni. Châng dangte pawh hian an hnuaia hna thawk, vui thu thlenna tûr nei vê lote chu hmangaih taka enkawl tûrin a hrilh a. Chûng mîte rahbeh chu Pathian mit hmuha thil soal tak leh anmahni a tuârtûte tân pawha thil lungchhiatthlâk tak a nih bawk avângin, tih miah loh tûr a ni.

Israel mîte kha Pathian tâna thu hretu, dik lohna, milem biakna, thil t̄ha lo leh soal chi hrang hrangin a chiah hneh tawh êm êm khawvêla kawng dik zawhtu, mi thianghlimte an ni dawn a nih chuan, an zînga chêng vê mi chak lo ber berte leh chhuanchhamte chungah khân, ngilneihna an lantîr ngei a t̄ul a. Chuti a nih loh chuan, thu hretu a nihna kha eng mah lo mai a ni ang.

***Jakoba 1:27–2:11* chhiar la. Hetah hian *Deuteronomi* bû-a kan hmuh, LALPAN a mîte hnêna a sawi ang tho kha eng thû nge a rawn sawi vê? Hêng chângahnte hian mi retheite hnuaichhiah chu Thu Sâwm Pêk zawm lohna nên thil inzawm niin a ngâi a. Eng vânga chutianga ngâi chu nge a nih?**

Thu Sâwm Pêka a eng a mah hian mi retheite âia mi hausâte duhsak zâwk hi thil sual a nih thu sawi tlang lo mah se, a ziak ang ngau ngauva dân zawm that a, mi retheite leh tanpui ngâte chung a dik lo taka thil tih leh tho bawk sî chu, mîte ngaiha kan sâkhaw vawn leh, dân zâwm tha nia kan inçhâl na tihthangtlâwmna mai a ni ang. Keimahni kan inhmangaih ang bawka kan thenawm khawvêngte pawh kan hmangaih vê-na hi, Pathian dân kan châwisân theih dân ber a ni a—hei hi Jakoba hun lâi leh, Ram Tiama lût mai tawh tûr Israel-te hnêna Mosian a sawi lâia thu dik a ni ang bawkin, tûnah pawh hian a la ni reng a ni.

Keini Seventh-day Adventist, dân zawm that a tûl thu sawi thînte hian eng vângin nge Jakoba thusawite leh Deuteronomi bû-a kan hmuh Mosia thusawite hi kan ngaih pawimawh ngei ngei a tûl le? Jakoba Lehkathawna kan hmuh kha ngaihtuah la, eng vângin nge dân zawm that a tûl tih kan inzirtîr hian kan zînga mi rethei leh tanpui ngai awm vê-te hi kan tanpuina kawngah mi a tihphûr sauh a ngaih?

ZIRTÂWPNI

October 29

Zir Belhna: Israel-te “hun rangkachak” tia an sawi thin, Davida leh Solomona rorêna hnuaiah meuh pawh khân, Pathianin nasa takin malsâwm tho mah se, an zînga awm vê mi rethei te, tanpui ngâte leh hnam tlêm zâwkte kha an rapbet viau tho mai!

“Chuvângin, mi retheite rap betin buh in lâk luihsak a, lung chher chuan inte in sâ a; nimahsela, a chhûngah in chêng lo vang; grêp huan nuamte in siam a; nimahsela, a uain in in lo vang. In bawhchhiatnate tamzia leh in sualnate nasatzia ka hre sî a; mi felte tiduhdah a, thamna lâ a, kulh kawngkâa tlachhamte chanpual ngei pawh pe phal lote u” (*Amosa 5: 11, 12*).

“LALPA chuan a mîte upaho chungah leh an mi lianho chungah ro a rêl ang a; LALPA, Sipaihote LALPA chuan, ‘Nangmahniho

hi in ni, grêp huan ei zotûte chu; mi retheite laka sum lâk chu in inahte a ni a awm ni' a ti a" (*Isaia 3:14*).

Sawi Ho Tûrte:

- ① Hmâsâng Israel mîte khân Aigupta ramah "mikhual" an lo ni vê reng tawh thîn a ni tih an hriat reng a tûl a, chu tak chu khawtlânga mi chuang mai an nih lâia miin en se an tih ang chiaha an zînga awm mikhualte leh mi chuangte an ngaihsakna tûr chhan pawh a ni rêng bawk. Eng tiangin nge hê thû hi Isuâ thisen zârah sual saltâna lak atâ chhuah zalên kan nih tâkna chanchin tha nêh hian a inzawm? Eng vângin leh eng tiangin nge kan tâna Isuan thil a lo tih tawh khân mi dang, a bîk takin kan zînga tanpuitu nei lote kan ngaihsak kawngah nghawng a neih ang?
- ② Pathian chu chibai bûk dân tûr dik takin chibai kan bûk a ni thei a, thihna chungchâng, hremhmun chungchâng, sakawlh chungchâng leh a dang dangte pawh kan hre thiam a ni thei bawk. Chûng zawng zawng chu thil tha tak vek a ni. Nimahsela, mi dangte chung a mâwi lo taka kan khawsak a, kan zînga mi chak lo awmte kan rah beh a, dik lo taka ro kan rêl tho sî a nih chuan, eng nge awmzia awm ang? Thutak neitu kan nih avâng hian engati nge thutak hriat ringawt hi chu amah ngawt chuan Pathianin kan lak aţanga a beisei ber a nih loh? Chu chu eng vângin nge kan tân thang hlauhawm tak a nih theih?
- ③ "Mihring dikna chanvo" tia kan sawi mai thîn hi a awmzia hriat thiamna kawngah kan rinna hian eng tiangin nge min tanpui?

THUCHAH DAWN

By Youngsuk Chae

KIM HYE-SUN-i hi South Korea rama Kristian inpezo tak mai a ni ka. Pathian leh A thû hriat châk hian a tuihâl thîn a ni ber mai. A thiantê nên Bible zirnaah an tel a; mahse, an thil sawi ho chu a awmzia an man phâk lo. Chuvâng chuan a bânsan leh ta mai a ni.

Hye-sun-i hian car a khalh thîn a, mahse ni khat chu bus-a chuang tûn a rilrû a siam a. An in kawta bus a lo nghah lai chuan hmeichhe pahnihin phûr leh thahnemngai zet a, “Hê thuchah hi chhiar vê teh! Mi tûn emaw nî tin hian min rawn thawn ziah thîn a, thâ ka ti lutuk!” tia an sawi chu a lo hria a.

Nu pakhat chuan, “Tak tak mâw? Min han entîr vê teh,” a ti a.

Hye-sun-i chuan hriat vê châkna nei tak hian, “Kei pawhin ka lo en vê thei ang em?” tiin a lo zâwt vê a. Ani hian hmêlhriat lohte a be ngai zen zen lo, mahse a hre châk tlat sî a ni.

Cellphone-a thu inziak a chhiar chu, “‘Pathian chu hmangaihna a ni,’ tih hi pangpâr kuhmûm pâr tin chungahte leh hlobet chawr tin chungahte hian ziak a ni. Sava mâwi tak takte chuan boruâk hi an hrâm ri mâwi tak takte chuan an ti khat a, pangpâr no nghîl nghiâlte chuan boruâk hi an ti rimtui chem chem bawk a, ngaw durpuia hnah hring dupte leh, hêng zawng zawngte hian kan Pathianin A fâte tihhlîm A duhzia chu an entîr a ni,” (*Krista Panna Kâilâwn*, p. 8) tih thû hi a ni.



Hye-sun-i chuan, “E khâi! Hei hi ka thil mamawh tak chu a nih hî!” tiin a ngaihtuah a.

Chutiang thuchah a dawn theih dân tûr chu a zâwt a. Cellphone neitu nû chuan tanpui a intiam a. Chuta chin chu nî tinin thuchah a dawng vê ta ziah a, lâwmthu sawiin

a chhâng lêt vê ziah bawk a. Sunday nîte hian, “Have a good Lord’s day!” tih thû a thawn lêt vê thîn a. Hun eng emawti hnûah chuan, a thuchah dawn chungchâng a zawh chhân nân *Indona Ropui* leh lehkhabu dangte chu dâk aţangin a dawng ta hlauh mai. Sunday tûka chibaibûkna thu thawn chu a chawlhsan a, thuchah a dawn avânga lâwmthu sawina thû erawh chu a thawn zui zêl tho va. A lehkhabu dawn pawh chu a chhiar zui zêl bawk a.

A thuchah dawn rawn thawn thîntu kha Lim Myung-Sook-i, Seventh-day Adventist deaconess, Ellen White quotations leh Kristian pâwl dang hruaitûte hnên aţanga a dawn thuchah, nî tina mî 2,500 vêl hnêna thawn chhuak thîntû hnên aţanga a dawn a ni.

Myung-Sook-i chuan Hye-sun-i leh thuchah lo chhiartu dangten Isua an hnaih lehzual theih nân Pathian malsâwmna a dîlsak thîn a. Ani chuan, “Mi eng zât chiahin nge hêng thuchahte hi chhiar thîn ka hre lo va; tûten nge lo sâwtpui a, an nuna danglamna thleng tih pawh ka hre lo. Kei chu thlâi chi thehtu mai ka ni. Mahse, Pathianin thlâi chî chu thantûrin, rah seng tûr duhawm tak A chhuahtîr ngêi ang tih ka ring tlat a ni,” tiin a sawi.